

八禪通志卷之百四十八



名臣列傳

卷八

正統通志世職大臣三

八旗通志初集卷之一百四十八

名臣列傳八

正黃旗滿洲世職大臣三

圖賴 子費揚古 兄諾海 諾海子古蘇

馬爾薩 努山 兄祐什吞 泰璧善

陶岱 族子覺和托 善 濟山 子哈舒庫

宜爾格德 族孫宜思哈 族伯父舒寧阿 弟祐

紐 族兄雅穆哈 納舒寧阿 族弟祐

敦拜 季什哈



費雅思哈

蘇丹

蘇圖

圖賴。滿洲正黃旗人。初隸鑲黃旗。直義公費英
東札爾固齊第七子也。初與兄諾海。分襲父三
等總兵官世職。坐事罷。征董夔時。八旗各遣一
大臣前往。圖賴與焉。突前破敵。多所俘獲。餘衆
乘夜兩犯我師。俱擊敗之。天命十一年。從大兵
征明寧遠。先衆殺入敵陣。敗之。天聰三年。從征
北京。遇明總兵官滿桂兵。直前陷陣。殺傷甚衆。
叙功。授牛叅章京世職。明師攻圍灤州。率百人
乘夜進。擊敗之。棄永平還時。領十六人。有三騎。

將率步卒百人。以火礮攻擊。圖賴還戰。盡殲之。五年。從征大凌河。敗明監軍道張春兵。六年。太宗文皇帝統大兵破走察哈爾。遂移師征明。至布里渡地方。遣圖賴同蘇喇達率兵二百。帶蒙古通事二員。賫書。

諭明沙河堡各官。沙河堡官遣人奉牛羊。緞酒等物來獻。九年。任擺牙喇甲喇章京。隨貝勒多鐸。畧明寧遠錦州界。明兵來拒戰。同昂邦章京阿山等率兵四百。突入衝殺。斬馘甚衆。崇德三年八月。

從揚威大將軍貝勒岳託。率右翼兵征明。九月。至墻子嶺。惟東西兩旁高處可越。圖賴率師從嶺之右側入。不俟大兵。當先踰嶺。攻克十一臺。進征山東。明吳總兵率步騎八千餘人逆戰。察哈爾蒙古阿蘭泰小却。圖賴即率間散轄員助戰。敗之。又敗明閣部劉宇亮等兵於通州河。親督擺牙喇兵攻拔二城。又分兵掠取二城。七年。圍錦州。擊敗杏山馬兵。有先降明之蒙古諾木齊等在圍中。遣人約獻東關以降。至期。圖賴先

登敗其守城兵。門啟。明兵覺。遂圍諾木齊家。圖
賴擊破明兵。救諾木齊以出。又敗錦州松山敵
兵四次。攻塔山杏山。督放紅衣礮。晝夜指揮不
怠。六月叙功。

賜馬一匹。八年九月征明。用紅衣礮。乘夜攻中後所前

屯衛二城。拔之。累加世職。至三等昂邦章京。順

治元年。從睿王多爾袞。於山海關外。兩敗流賊

唐通兵。入關步戰。破賊渠李自成營。復同大兵

追敗之於慶都縣。十月。從定國大將軍豫親王

多鐸南征。十二月。師次孟津。圖賴率精兵先渡

黃河。僞都司黃士欣。果毅將軍張有聲。各遁去。

沿河十五寨堡兵民。望風歸附。進薄潼關。距關

二十里立營。賊渠李自成來援。遣僞汝侯劉宗

閔據山列陣以拒。噶喇昂邦努山鄂對等率兵

趨拔賊營。賊師抗敵。圖賴領騎兵百餘人掩殺之。

斬獲甚衆。二年正月癸巳。賊將劉方亮率兵千

餘來窺我營。圖賴同阿濟格尼堪等擊敗之。三

月。論諸大臣功。以圖賴持忠貞之心。不惜身命。

戮力王家。克秉忠義。優封三等公。四月。以隨豫親王多鐸破流賊。平陝西。安撫河南。復奉

命南征。勤勞日久。

賜繡衣一襲。是月。同拜伊圖阿山。攻克揚州。獲明閣部

史可法。斬之。併戮其據城逆命者。五月。追明福

王於蕪湖。福王登舟欲渡江。圖賴等據江口。截

其去路。擊偽靖國公黃得功。敗之。敵兵皆墮水。

盡奪其舟。得功中流天死。遂獲福王。三年二月。

偕征南大將軍貝勒博洛征浙江。五月丁酉。抵

杭州。偽國公方國安等帥兵營於錢塘江東岸。

綿亘二百里。艤船江上。相拒。圖賴率諸將士乘

馬從上流浮渡。江廣十餘里。人馬無溺者。因分

兵縱擊之。方國安驚以為神。望風膽落。盡棄戰

艦。急趨紹興。携偽魯王朱彛垓遁保台州。圖賴

率大兵奮力追勦。屢獲全勝。浙東底定。是月。叙

前後破流賊。及平定河南江南功。進爵至一等

公。十一月。進師福建。擊敗偽閣部黃鳴駿等於

仙霞關。遂破浦城。十五戰皆捷。下十城。殺偽唐

王聿釗等五王。及偽閣部馬士英。偽國公方國安等。大小官員一百五十四人。降其步騎兵八千五百人。尋以暴病卒於軍。年四十七。圖賴勇而有謀。以身任事。果斷剛決。在軍中每以寡克衆。所向無敵。克取城邑。或火礮攻擊。或木衝。或藉梯而登。或肉薄而上。無不下者。凡敗敵四十餘陣。取二十餘城。長子輝塞襲爵。四年。睿王多爾袞惡其素不附己。追論其罪。奪輝塞爵。九年正月。

世祖章皇帝以圖賴為忠義之臣。無罪見枉。

詔復其世爵。追謚昭勲公。配享

太廟。復勒石以旌之。曰。朕惟國家誕膺天命。撫有萬方。

雖本

祖功宗德。垂謨鴻遠。實亦股肱之佐。竭忠宣力。有不容泯者焉。既懸~~爵~~殊爵以酬勲。兼著令名以垂世。褒往訓。來典彛。攸係自古然矣。故圖賴者。備王佐之才。秉上將之畧。當

太宗文皇帝時。每從征伐。所向克捷。如破董夔。征寧遠。

以及山東河北。加兵之地。屢墮名城。迨入關擊流寇。李自成二十萬衆。追奔逐北千餘里。厥績尤著。定鼎以後。四征不庭。大小百戰。未嘗不身履行間。或稟受方畧。或專任節。越。陷陣先登。戰勝攻取。八閩三吳。咸歸底定。論功拜將。偉伐為多。至其翊戴朕躬。摠誠不二。於朝廷危疑之際。力匡王室。禍患潛消。智勇深沉。節堅金石。勲在社稷。非獨積累戰功者可比。朕追思創造之難。念其盡瘁以隕。且懼久而湮沒無傳也。宜勒石紀之。貞珉英烈。壯猷將與河山帶礪。並永萬禩。

矣。子輝塞。襲一等公。卒。無嗣。以輝塞弟顏爾益襲公爵。仕至領侍衛內大臣。第三子費揚古。任護軍叅領。康熙十四年。從貝子準達征逆藩吳三桂。至彘陵州。賊將劉澤敷陶貴之率萬衆犯。犯費揚古。率所部直逼賊營與戰。手背中鳥鎗。得頭等傷。

賜銀五十兩。十六年。以護軍叅領管統領事。從征南將軍穆占。至長沙府。遇賊帥吳國貴。奮勇陷陣。所向披靡。賊窮迫返擊。費揚古。中鳥鎗而歿。尋

議恤。贈拖沙喇哈番。頗爾盆子永春。曾任副都統。永乾。現襲一等公。費揚古孫馬爾薩。曾任都統。馬爾泰。現任工部侍郎。康熙十九年正月。聖祖仁皇帝幸鞏華城。道經西山之麓。圖賴墓在其地。特遣內大臣覺羅吳默納致奠墓前。圖賴初隨父費英

東。同隸鑲黃旗。後與第二兄諾海。第九弟蘇完顏。撥入正黃。今其子孫俱為滿洲正黃旗人。諾海。曾任甲喇章京。積軍功。授牛叅章京。世職。旋因陣亡。加世職為三等甲喇章京。以其子古爾

漢襲古爾。漢任頭等侍衛。在十侍衛之列。古爾漢卒。弟古蘇襲。加自立軍功。所得之拖沙喇哈番。又連遇

恩。詔加至三等阿思哈尼哈番。仕至頭等侍衛。

馬爾薩。昭勲公圖賴曾孫也。初襲祖費揚古。拖沙喇哈番。世職。尋陞佐領。又授鑿儀衛整儀尉。遷雲麾使。又擢冠軍使。未幾。任張家口牛羊羣總管。康熙五十九年。內陞正紅旗滿洲副都統。六十一年。晉正黃旗滿洲都統。管內大臣事。雍

正三年。緣事革職。七年。復授察哈爾地方總管。尋奉

命往扎克拜達里地方代護軍統領他拉克圖領其衆。八年。陞內大臣。叅贊靖邊大將軍。公富爾丹軍務。九年。與準噶爾賊兵戰於和通胡爾漢諾爾地方。馬爾薩力戰陣亡。議卹。加授世職。拜他喇布勒哈番。兼一拖沙喇哈番。以弟之子敦住襲職。初。馬爾薩與前鋒統領定壽待士卒俱有恩。及臨陣。復勇氣百陪。敵人畏之。歿後。我兵思其

德。即軍中立祠並祀焉。

努山。滿洲正黃旗人。姓扎庫塔氏。世居噶哈禮璧翰之鄂里噶山。父曰塔克都。努山其第三子也。初。努山之長兄曰祐什吞。率衆來歸。

太祖高皇帝時。方創立牛叅。即以其所率壯丁編為一牛叅。令祐什吞管理。積戰功。授甲喇章京。世職。卒無嗣。停襲。以努山管牛叅章京事。

太祖每有征戰。努山輒統噶布什賢哨探。授為噶布什賢章京。噶布什賢者。前鋒勁卒也。天聰六年。

太宗文皇帝親征察哈爾林丹汗。其臣民苦林丹汗之虐。叛之來歸者甚衆。努山同西特庫等前驅。擒獲一人來獻。訊其踪跡。收得千餘戶以歸。八年八月。從大兵征明。仍統噶布什賢兵為前哨。生擒明哨卒六名。送至大營。是月。復擒明哨卒四人來獻。隨奉。

命率擺牙喇精騎八十名。廝卒四十名。往錦州捉生。復有功。是年。以辦事有能。恪遵指使。授三等甲喇章京世職。崇德元年六月奉。

命率甲士一百十八人。往明沿邊探其汛哨。秋七月。至明冷口。遇明卒十四人。斬三人。生擒一人。獲馬十五匹。三年。從揚威大將軍貝勒岳託。率兵征明。初至邊城。即同西特庫布顏。於邊外斬殺四十人。捉三人。發取埋伏火藥五處。進邊之日。同勞薩順科羅巴圖魯。擊敗明墻子嶺遁出之兵。獲馬八十六匹。大兵由蜜雲縣四路而進。擊敗敵兵。努山獨追擊其潰兵二百餘人。獲馬八十匹。大小紅礮七位。大將軍礮十八位。又擊明。

吳總兵軍直入敗之。大兵至北京。有明兵自城中出。埋伏兩處。約五百騎。努山同勞薩順科羅巴圖魯。搜擊敗之。獲馬十六匹。明太監高起潛率兵尾我師。仍同勞薩順科羅巴圖魯埋伏道旁。擊却之。殺二十六人。獲馬二十五匹。是夜高起潛率兵犯西特庫營。同西特庫奮擊。直抵運河。追奔三次。驅迫入河。溺殺者無數。比出邊。同勞薩順科羅巴圖魯擊谷口步兵。擊敗之。六年七月奉

命率師往明董家口喜峯口等處偵探。八月回。凡擊敗明步哨卒五十一營。斬一百四十五人。又斬哨騎十一人。生擒守備一員。陣獲七人。遇我國逃人。斬男子四人。獲婦女二口。是年隨大兵圍錦州。噶布什賢八章京誘擊松山馬兵。努山率本固山噶布什賢兵敗敵。殺五十二人。獲馬二十九匹。遇明經畧洪承疇。同勞薩順科羅巴圖魯往尋多爾積轄。遇敵兵兩隊交戰。王貝勒機爾丹燾齊至。合兵敗其衆。直追至大濠而返。旋奉

令騎兵往杏山。見毛海伊爾登部下有一蒙古
為敵兵五人圍射。努山衝入援出之。多羅英郡
王阿濟格駐兵杏山河邊。明寧遠州千騎來窺
兵哨。努山同噶布什賢各章^京直追及連山。殺三
十人。獲馬三十二匹。征寧遠時。中後所有馬兵
五十人。來犯我牧所。即同噶布什賢各章京追
擊。并敗其後。至援兵四百人。旋奉

命閱寧遠城壕。

遇城內馬兵出犯。同噶喇額真吳拜等
敗之。又隨處捉逐哨騎。生擒二十三人。殺三十

五人。遂由三等甲喇章京世職加為二等甲喇
章京。八年。陞任噶布什賢噶喇額真。率官兵往
明寧遠。迤南。自中後所進捉生。獲男子四十八
名。婦女幼小三十三口。及馬騾牛驢等物。五月
奉

命率噶布什賢章京西特庫。瑚沙。羅瑚禮布。並轄四員。

兵九十名。往明界嶺口。探我大兵出邊消息。並
令捉生。至界嶺口。斬其守備一員。及兵三百餘
人。獲人四十四名。馬一百五十八匹。又獲我營

逃出廝役二十四名。生擒千總一員。把總三員。以歸。即以所俘獲。分賜從征將士有差。順治元年。定國大將軍豫親^王多鐸率師南征。努山以噶喇昂邦從征。十二月。距潼關二十五里立營。李自成率援兵至。賊將偽汝侯據山為陣。以拒我師。努山領兵趨拔賊營。燾章京圖賴助擊掩殺之。斬獲甚多。二年五月。克南京。偽福王朱由松潛遁。努山同多羅貝勒尼堪昂邦章京圖賴固山額真阿山等率官兵追至太平府。獲福王及其妃。三年十一月。從貝勒博洛征福建。努山率前部擒斬偽軍門楊廷清。李暄芬。分遣燾章京杜爾德等攻下建寧。延平等府。聞明唐王朱聿釗遁走汀州。遣燾章京阿濟格尼堪等追至城下。擒斬聿釗偽王等。定汀州。五年九月。以噶喇昂邦從定遠。大將軍鄭親王濟爾哈朗征湖廣流賊。六年七月。努山擊破賊首王進才九營於大水。十月。鄭親王聞賊渠二隻虎據烏撒城。令努山等往勦。賊三面逆戰。努山督我兵進擊。俱

敗之。署擺牙喇噶喇章京庫尼雅等相繼奪門。遂克其城。斬偽副將叅將等五人。兵一千五百餘級。獲馬二百匹。自烏撒凱旋。復勦賊於艾考洞。北至。賊遁。努山追擊。斬偽閣部楊鰲等三十七人。七年。九年。遇三次。

恩詔。加世職為二等阿思哈尼哈番。世襲罔替。十三年。

三月。任內大臣。努山從大兵平河南江南。所向先登。破敵。積功牌未及議叙者尚多。俱藏於家。十五年。以二等阿思哈尼哈番內大臣前鋒統

領兼管佐領。卒於官。禮部議卹如典禮。仍行予謚。

賜銀一千兩。勒石墓旁。以紀其功焉。其世職以長子陶岱承襲。緣事革。以努山次子噶思哈之次子江米襲。世襲罔替如前。噶思哈。

聖祖仁皇帝時。由一等待衛。累陞至副都統。兼管佐領。努山第二兄泰壁善。初監遊牧。天命三年。從大兵。證明攻撫順馬哈達村有功。賞給牛馬。四年。攻界凡。執纛人乘馬被創。仆。泰壁善代執其纛。

見一人來犯。泰壁善直入生擒之。又從征商顏哈達。及豐濟堡。俱有功。我兵遇明兵於喀爾土。許衆皆奔潰。泰壁善獨冒矢石。翼納冷格以出。進取平樂堡。以第二人登城克之。復賞給馬匹。天聰三年。隨大兵征明。與明經畧袁崇煥兵力戰陣亡。贈牛象章京世職。以子幼未襲。視其秩

賜以白金。

陶岱。努山長子。初事

太宗文皇帝。在二十轄之列。以從征寧遠錦州松山等

處。累立軍功。授牛象章京世職。順治初。任護軍叅領。兼太僕寺郎中。十七年。襲父二等阿思哈尼哈番世職。合自立功績所得。授為一等阿思哈尼哈番。兼一拖沙喇哈番。尋任副都統。緣事削去本身所得。拜他喇布勒哈番。其父努山之。二等阿思哈尼哈番。襲於弟噶思哈之。次子江米。世襲罔替如前。陶岱之族子覺托和。康熙十三年。以護軍校。從征逆藩耿精忠。至江西。攻撫州府。有賊自建昌來援。城內賊五千餘。復出城。

來犯。覺和托力戰陣亡。二十五年議卹。授拖沙喇哈番。又鄂立善者。陶岱族孫也。逆藩吳三桂耿精忠之亂。鄂立善以筆帖式頒

詔廣東。值總兵劉進忠等叛。應耿逆。鄂立善被執不屈。死之。康熙十七年。贈拖沙喇哈番。

濟山。努山第四弟。初任牛叅章京。崇德六年。從大兵圍錦州。破明經畧洪承疇兵。獲賞銀一百兩。順治元年。從豫親王多鐸破流賊。平定河南。至潼關。有賊自山上來犯。濟山率本旗兵擊敗

之。收兵時。隨固山額真恩格圖殿。後賊兵犯我軍者三。皆敗之。又同李率泰。吳巴海等。招撫二州五縣。二年。從貝勒博洛征浙江。至杭州府。招撫一府一州七縣。尋擢梅勒章京。率兵駐防蘇州。賊黃蜚等偽總兵四人。約城內賊夾擊我師。濟山率本翼兵。同吳巴海進擊。四戰俱敗之。後敵兵復大至。奮勇進擊。遂中火礮。歿於陣。三年。贈牛叅章京世職。以其子哈山承襲。七年。遇恩詔。由拜他喇布勒哈番。加一拖沙喇哈番。世襲罔替。

以疾卒。弟哈舒庫襲職。九年遇

恩詔二次。加為二等阿達哈哈番。十一年從征廣東新

會縣。隨靖南將軍朱瑪喇擊偽安西王李定國

步兵萬餘於縣左山上。同副都統舒書奮擊敗

之。又敗其衆四萬於新會縣山峪內。十三年加

世職為一等阿達哈哈番。卒。以子華塞承襲。

宜爾格德。努山族子也。世居噶哈禮壁翰之英

額地方。初任牛叅章京。崇德五年。

太宗文皇帝命薩穆什喀曹海等往征虎爾哈部落。宜

爾格德率九十人助之。攻克鐸陳阿撤津二城。

斬五十餘人。順治元年授牛叅章京。世職。擢工

部理事官。四年考績加半個前程。五年江西總

兵金聲桓叛。隨征南大將軍譚泰往討。賊率馬

步兵七萬來拒。宜爾格德同大軍奮擊破之。賊

復連次犯正紅旗鑲黃旗汛地。俱擊却之。至信

豐縣。敗偽充國公兵二萬於山嶺。論功加授二

等阿達哈哈番。七年。九年。三遇

恩詔。加至一等阿達哈哈番。又一拖沙喇哈番。十二年。

從征偽秦王孫可望於岔路擊賊陣陣亡追贈三等阿思哈尼哈番以子殷達理襲卒子宜思哈襲康熙十九年宜思哈從征南大將軍賴塔征逆孽吳世璠敗其偽將軍何繼祖等於黃草壩又敗偽將軍馬寶等於烏木山論功加世職為二等阿思哈尼哈番緣事降為二等阿達哈哈番舒寧阿宜爾格德之族伯父也初以分得撥什庫管牛彖事崇德二年從貝勒岳託征明攻藥城縣值城上火藥燒發率軍士從壞處登城克之明軍門盧象昇率兵來戰我軍中特德傳喀二將退走舒寧阿獨衛入敵陣遂戰歿崇德五年贈牛彖章京世職以兄子雅穆哈納承襲是年雅木哈納從睿親王多爾袞征明圍錦州擊杏山兵直入敵陣八年從貝勒阿巴泰征明破明范軍門兵直抵其步營復擊明吳總兵敗之攻冀州以第二人登城克之

賜號巴圖魯加世職為二等甲喇章京順治元年從睿王多爾袞入山海關擊敗流賊追至慶都縣又

敗之。二年。加世職為一等甲喇章京。五年。緣事降拜他喇布勒哈番。遇

恩詔。加至二等阿達哈哈番。祐紐者。亦宜爾格德之族伯父也。崇德三年。從揚威大將軍貝勒岳託征明。攻定興縣。首先登城克之。

賜號巴圖魯。授牛錄章京。世職。順治二年。從征湖廣。流

賊一隻虎。賊眾來圍荊州。祐紐率本甲喇兵擊敗之。三年。隨梅勒章京覺山往山東平土寇。至清河縣。敗賊馬步兵七千餘。又敗之於恩縣。師

次成安縣。復連敗之。賊又率眾萬餘攻平邑縣。祐紐力戰歿於陣。四年。議卹。由拜他喇布勒哈番。加一拖沙喇哈番。祐紐族孫有西特庫者。康

熙十四年。隨定西大將軍貝勒董額。征陝西叛鎮王輔臣。六月。復秦州。以西特庫留守。偽總兵官七人率兵萬餘來犯。連戰皆敗之。二月。隨振武將軍佛尼勒。勦賊於西和城下。得三等功牌。又擊敗偽將軍吳之茂等於盧家浦。牡丹園。關山。鹽關。七山浦。鄆縣。紅石堆等處。凡七敗賊兵。

以功授拖沙喇哈番。

敦拜。滿洲正紅旗人。今改隸正黃旗。姓傅察氏。

世居沙濟地方。父彭庫里。初事

太祖高皇帝時。有朱社里十三部長尤楞格。梗化不服。

彭庫里奉

命偕鄂佛洛昂。邦達。顏往勦之。奮勇著績。因

賜蘇赫巴圖魯號。創立牛叅。俾管其一。後以功兼統轄

五牛叅。既卒。敦拜以長子襲管牛叅事。天命十

一年。從大兵征明寧遠。敵人自城中以勁兵來

戰。步擊破之。師旋斬首二十級。天聰八年。以克

副委任。不違指使。授牛叅章京世職。崇德五年

九月。擢纛章京。從鄭親王濟爾哈朗等征明。圍

錦州。敵縱騎環射我師。敦拜步戰殿後。全軍以

出。又往畧錦州地。敵甫出。即突入其隊。斬三級。

連敗其衆。六年。再圍錦州。擊明經畧洪承疇。援

兵敗之。明松山兵來犯本旗。及庫魯克達爾漢

阿顏汎地。徒步往援。俱却之。斬首二百餘級。獲

雲梯十四。以功加半個前程。八年八月。偕纛章

京阿濟格尼堪率官兵往防錦州。順治元年。從睿王多爾袞入山海關。擊流寇。追至慶都縣。再敗之。論功。優加世職。為二等甲喇章京。十一月。隨定國大將軍豫親王多鐸南征。二年正月。師至陝州。流賊偽將劉方亮領兵千餘來犯。敦拜偕圖賴阿濟格尼堪等率兵擊敗之。賊復夜劫正黃旗營。率兵往援。連敗賊衆。賊自西安遁走。敦拜與阿爾津卓普拖等追之。斬三百餘人。五月。至江南。偽福王道追福王至蕪湖縣。福王登舟欲渡江。敦拜與阿爾津圖賴等據江口截其去路。擊敗偽靖國公黃得功。敵皆墮水。盡奪其舟。得功中流矢死。偽總兵田雄馬得功縛福王來獻。三年二月。隨征南大將軍貝勒博洛征福建。敗偽黃總兵軍二千餘。又敗偽陳副將兵千餘。五月。叙功。加世職。為一等甲喇章京。五年。隨征南大將軍固山額真譚泰往江西討叛鎮金聲桓。賊衆屯兵九江府。偕覺羅阿克善等先驅直抵城下。破其兵三千。逆渠金聲桓王得仁以步

騎七萬來戰。率所部擺牙喇。隨大兵奮擊敗之。師次臨江。凡四敗賊衆。降一府四縣。六年七月奉

命統官兵往勦河間。一路上寇。陣斬任邱縣賊郝瞎子。雄縣賊李王三。陳金玉。獻縣賊邢少川。寶抵縣賊吳臨瑞。席快等。七年五月遇

恩詔加世職為三等阿思哈尼哈番。六月坐隨睿王多爾袞出獵。私行射獵。降為一等阿達哈哈番。八年二月復授為三等阿思哈尼哈番。九年遇

恩詔加至二等。十一年六月偕靖南將軍固山額真朱瑪喇征廣東。十二年四月奏報官兵與賊戰。敗之於興業。再敗之於橫州。逆渠李定國渡江。焚橋而遁。我師躡之。定國率殘兵自賓州走南寧。我兵俘獲甚多。克廣雷廉等三府二十五州縣。十三年三月叙功。加世職為二等精奇尼哈番。閏五月復叙征廣東軍功。加為一等精奇尼哈

番。十二月引疾乞休。世祖章皇帝念其勤勞年久。加太子太保。以原官致仕。

十四年八月復起為駐防

盛京昂邦章京十七年正月卒

賜祭葬如典禮謚襄壯立碑以旌異之

季什哈敦拜次第初任牛叅章京崇德五年九

月偕席特庫率擺牙喇兵並徵外蒙古官兵

東征索倫部落十一月奏捷獲男婦七百二十

五名馬六百五十五匹牛一百二十七頭六年正

月凱旋七年十一月陞梅勒章京八年八月任

工部叅政順治元年隨睿王多爾袞入山海關

偕固山額真恩格圖擊流賊有功授牛叅章京

世職是年十一月隨豫親王多鐸南征平定河

南江南二年隨征南大將軍貝勒博洛征浙江

至杭州府五破敵兵進征福建所至敗賊有功

加世職為二等甲喇章京四年考滿稱職加半

個前程七年任刑部尚書是年及九年三遇

恩詔加至三等阿思哈尼哈番陞蒙古固山額真兼議

政大臣十年十月奉

命為征東將軍率官兵勦山東土寇平之十二月偕寧

南靖寇大將軍陳泰統兵征勦湖廣復有功十二年五月

世祖章皇帝特諭吏部刑部職掌關係重大季什哈以固山額真兼理恐有遲悞且固山事體亦重又屬軍機季什哈着專管固山額真事十四年四月調為滿

洲固山額真十二月偕寧南偕寧南靖寇大將軍固山額真宗室羅託統官兵由湖南前往貴州征偽桂王朱由榔降貴陽等九府五州十四縣十一衛招撫苗蠻又降其偽指揮副將以下等官千餘人兵四萬六百敗李定國兵十萬衆十六年六月

世祖以三路大兵進勦雲貴跋涉險阻長驅直入經歷寒暑特加恩賚

賜季什哈蟒袍一件鞍轡馬一匹十六年六月緣事革一拜他喇布勒哈番降為一等阿達哈哈番十八年九月奉

命克征京東將軍統滿漢官兵征勦山東賊于七康熙元年五月蕩平賊寇班師八月病卒十一月

賜祭葬如典禮。六十年十一月。其子西安副都統阿魯
疏言。臣父季什哈。因軍前効力。擢用至都統尚
書蒙

恩賜卹如典禮。惟未得謚。乞

聖主加恩賜謚。

聖祖允之。追謚勇壯。

費雅思哈。敦拜第三弟。

太宗文皇帝時。任壯尼大。天聰六年。隨大兵征明宣府。

大同。至朔州。城中兵迎拒。偕甲喇章京道喇擊

敗之。崇德三年。隨揚威大將軍貝勒岳託。征明。

破密雲縣步兵。又敗揚軍門兵。出邊日。偕葉克

舒。敗敵來追。步卒。五年。從大兵征明。圍錦州。敗

杏山松山兵。六年。掘濠圍錦州。敵兵出城拒戰。

偕甲喇章京哈寧阿。掩殺至城下。射殪二人。明

經畧洪承疇。步隊列看拒敵。復偕哈寧阿。往擊敗

之。順治元年。隨睿王多爾袞。入山海關。擊流賊。

追至慶都。再敗之。是年。擢擺牙喇。甲喇章京。十

月。從靖遠。大將軍英親王阿濟格。征流賊。由口

外入邊。師至榆林。流賊來犯。奮前破之。至延安府。賊乘夜出城突圍。偕都統噶達渾敗之。二年。追流賊至湖廣安陸荊州武昌等府。凡三敗賊衆。師至九江。率所部乘船擊李自成兵。獲賊船三十艘。十一月。隨定西大將軍何洛會。往征四川。同噶達渾擊敗流賊胡敬德兵千餘。又連敗流賊郭延德。何進於漢中。是年正月。叙入關功。授牛叅章京世職。三年正月。隨靖遠大將軍肅親王豪格。征四川流賊張獻忠。賊兵來逼。正藍旗營偕大臣希爾根。都統噶達渾。往援。破其衆。賊據遵義府。堅守。同準塔巴圖魯。攻克其城。五年六月。叙功。加一拖沙喇哈番。六年。從征大同。叛鎮姜瓖。三敗賊將楊晉衛。再敗太原周祠。鎮賊衆。自大同分兵抵汾州。賊乘夜來侵。率所部兵戰却之。十三年二月。擢本固山叅章京。三月。任議政大臣。十七年八月。又同定西將軍內大臣公愛星阿。征偽桂王朱由榔。擊敗偽晉王李定國。康熙元年。同愛星阿統兵追楊_偽鞏昌王_白文選。

至緬甸阿娃城獲偽桂王有功。優加世職為三等阿思哈尼哈番。尋卒。

賜祭墓如典禮。謚恪僖。立碑墓道以表其功焉。

蘇丹費雅思哈子也。康熙十一年襲父世職。二十九年從征厄魯特。中箭傷。三十年奉

命往寧夏阿拉善山地方領兵搜勦厄魯特噶爾丹賊

黨。擒其濟農一人。

聖祖仁皇帝嘉之。賜錦衣一襲。及弓矢盔甲等物。後復

從征各處。俱在行間。以傷發乞休。長子蘇圖承

襲世職。雍正元年蘇丹病稍痊。起補右翼前鋒

統領。尋陞正黃旗蒙古都統。值青海等處賊羅

布藏丹津等叛亂。蘇丹以叅贊軍務大臣。十五

日內。即勦滅賊寇。青海蕩平。凱旋議叙。授世職

三等阿達哈^哈番。晉正紅旗滿洲都統。兼議政大

臣。復

特賜鞍馬一匹。五年以其年至七十。復

賜銀一千兩。及袍褂冠帶。以寵異之。七年卒。

賜祭墓如典禮。謚勤僖。以其次子蘇章阿承襲世職。

蘇圖蘇丹長子也。幼襲父二等阿達哈哈番世職。累陞至護軍叅領。尋晉寧夏副都統。康熙五十五年。

聖祖仁皇帝命率奉天烏喇兵。往阿爾泰地方。進勦準噶爾。五十九年。我兵至布魯地方。收服厄魯特寨桑塞布騰等二千餘人。六十年。復

命蘇圖揀選滿洲索倫打虎兒兵。移駐巴爾坤地。尋又移駐土魯番地。雍正元年。

世宗憲皇帝特命副將軍阿爾納。領兵進勦布隆吉爾

地方。蘇圖與焉收服厄魯特貝子阿喇布坦。明年。進勦羅卜藏丹津。蘇圖同察哈爾副都統阿玉石。擒獲驚走之厄魯特男婦五百餘口。又收服噶斯等處台吉三十三人。併於阿喇克諾爾地方。擊敗羅卜藏丹津後。哨兵丹津台吉遁走。我兵分路追之。蘇圖同副都統阿玉石。生擒丹津台吉。及其子衮布。妻索諾木而還。雍正七年。特命率寧夏兵一千。出征阿爾泰地方。是年。授議政大臣。九年。隨靖邊大將軍內大臣富爾丹。與賊

過於和通胡爾漢諾爾地方。蘇圖力戰陣亡。議
卹。加授世職為三等阿思哈尼哈番。以其子蘇
胡吉承襲。



